

現代佛  
學大系

39

曲肱齋叢書  
(二)

彌勒出版社

現代佛學大系 39

□陳健民□

曲肱齋叢書(二)

彌勒出版社



恭謝

家相道長捐項印德恭書

印崇書款系錢揮金如土  
作能天誨知末世轉輪如不  
是君王集 著賢

侯第呈批



曲肱齋叢書(二)  
總目錄

一、曲肱齋短笛集下集 641

二、曲肱齋塔鬘集 811

三、禪海塔燈 859

四、大手印教授抉微 1031

# 曲肱齋短笛集 下集 目錄

家居類	.....	一
國難類	.....	八
止觀類	.....	一五
懷感類	.....	八一
勸化類	.....	一三一
題詞類	.....	一四七
其他類	.....	一五二

曲肱齋短笛集  
目錄

供佛活見操小筏已經全放  
美枯來從法外好看如持力  
隨喜瓶心法弟廟

右系家居十首之一

陳長有跋



亂他本味最堪嫌  
建議燻膏輕放鹽  
一箸試嘗盡  
叶好打相宜  
菜自然甜

右系家后詩十首之一  
一  
供

# 曲肱齋短笛集下集

## 家居類

### 憶家居十首

無事偕妻踏夕陽，前村恰好有蓮塘。老農喜我夫妻到，移椅安排花一旁。  
難得一年一次回，隨他趾甲長成堆。到家沐浴安排好，細看吾妻代剪裁。  
供佛呼兒採小蓓，已經全放莫拈來。從茲好看加持力，隨喜瓶花次第開。  
鼠欺人靜偷齋飯，鳥掠簾空啄供花。却是夜來眠味好，不須防賊到貧家。  
亂他本味最堪嫌，建議爐旁輕放鹽。一箸親嘗妻叫好，打霜青菜自然甜。  
吾妻繡佛供西藏，時復逃禪立彼旁。不是須臾離不得，參針喚我作商量。  
重題舊事令心傷，惹出鄰婆淚兩行。不是輕佻多戲弄，藉催妻子念無常。

小屋惟容處士居，滿窗山色半床書，已嫌紙筆多狼藉，不畜鷄豚免掃除。  
不是憐蛾燈不燃，今宵闕少買油錢；何當剩得天公好，未到睡時月總圓。  
不羨巫山夢一遭，家居也自有風騷，于今落魄江湖外，背癢誰人肯與搔？

初春農家

春宵圍火話家常，預計蠶姑幾樹桑，曉起家家無別事，送兒入學早炊忙。

憶內四首

焉能盡與古人同，也解參禪習定功，最是今人難得處，翻因詩意愛吾窮。  
教子時聞雜哭聲，總期堅苦早成名，自從遭劫家尤困，未肯隨人訴苦情！  
少小女紅便擅長，長來隨我補衣忙，懶從世俗翻新樣，繡佛曾經獻法王。  
不曾蹙頰嘆無錢，隨我困窮數十年，家事積勞成半老，面容猶是未婚前。

鄰家贈乾塘魚

不畜鷄禽不養豬，鄰婆送我乾塘魚，活鱗且放江河去，死已無妨學子輿。

憶母十一首

和包墮地一團癡，纔得出胎便愛之；星土有言長罌口，吾兒落個好辰時。  
著筆是誰點額前，常從日者問因緣，宿根曾許如來種，卻恐出家學佛仙。（註）  
時向庵堂卜吉凶，何曾萬戶受君封，持籤到處求人解，總謂吾兒終不庸。  
戒殺從兒斷口肥，客居記取有誰歸，現成鷄腿遙相寄，未得回音只恐違。  
逐月三元零用錢，店家時說有兒賢，人間供奉何庸算？勸得修持未幾年。  
惟是兒時鬧膝前，長來難得在身邊！聞歸笑裏猶含淚，慣把親兒當客延。  
有子何嘗盡子情，遍參豈止五三城，到家才許歸期巧，又問何時罷遠行？  
六句晉省侍流連，一任繁華過目前，笑謂窮兒歸去好，名名想買那來錢？  
怕兒難作送終人，長跪佛前帶淚陳，病裏依稀常見我，可憐我正在風塵。  
記得離親赴遠方，村前相送淚汪汪，如今重到呼兒處，風木蕭條蓼葉黃！

註：額前小痣，生時卽有之。

十載參禪夢一場，昇天說法豈尋常？何年得滿地藏願，怕憶衆生都是娘。

答妻問西來意

鏡影齊眉成一對，西來祖意答吾愛，當前未識自心貪，卻笑趙州猶有在。

勗鏡兒

何事人間第一難，長兒得力母心寬，難中更有最難者，不順妻言順母歡。

憶愛別離苦

行色匆匆故意忙，打包催飯令相忘，鐵心未肯陳私語，惟恐辭哀淚更長。

赴城借糧途次，信宿歐、朱二賢家，雨中強辭歸。

春雨連朝總不開，芒鞋拖帶客心回，何期暗合東家意，未許天公晴轉來。  
東家喜雨阻予行，別有人求日日晴，不是夫妻難久別，朝朝量米數歸程。  
於今泥路更難行，偏是有錢不至誠，水落石橋三兩石，零星猶見古人情。  
我豈猶嫌行路難，百年光景半居山，此來借得兩挑米，又上花岩再揜關。

二月春光半在途，  
濘泥路上雨模糊，  
和身寫入米家畫，  
略異流亡鄭俠圖。

發訓鑑兒書後

海外掩關親反疏，  
數行家訓趁禪餘，  
教兒不是憑空口，  
憶昔躬行帶淚書。

憶兒時四首

躬行帶淚憶兒時，  
未足標明盡孝思，  
有兩三端微細事，  
吟來欲令子孫知。  
患咳祖公近八旬，  
接痰持碗侍床前，  
疑聲事後猶犇走，  
時已生西四五天。  
晨興獨起趁黎明，  
私塾點書第一名，  
「起得早時身體好」，  
常將警句向親呈。  
威望少年說老成，  
莊嚴木訥不多聲，  
阿爺醉後家人懼，  
推我父前可解醒。

憶母曬鋪

遠方求學憶當年，  
勸母曬鋪莫久延，  
天竺客居誰勸我，  
聊因憶母曝青氈。

美與中 瀟去 周慶 次子 回  
宗共 煥 頤 甚 在 浪 家 也 宜 長  
四方 竅 慶 一 家人

百若慶士自選

國難類

梅城淪陷雜感十四首

一任風謠佈滿街，依然運水與搬柴；黃巢殺人八百萬，難舉陳公一艸鞋。（註一）  
一犬吠形百犬聲，松濤鶴唳走疑兵；途逢佳景且閒立，還向流離路上行。  
竹林岩穴渡生涯，只見烽煙不見家，借問劫餘何所有？過街藤葉長南瓜。  
小住溪橋餐晚霞，邀來明月過平沙，放懷我自堪流浪，怕勸妻兒莫憶家。  
故鄉豐采別多時，避地隨緣任所之，花盡港回山路轉，小橋野店遇新詩。  
家徒四壁早蕭然，炸倒頹牆值幾錢？隨處綠茵堪入定，不須留我一青氈。  
古刹破寮暫結跏，（註二）隔離野老送香花，自欣顛沛能如此，何必吾廬便是家？

註一：陳尊宿故事見五燈會元，讀者試參：健民如常避難，草鞋已被寇舉也無？

註二：曾閉關一七于洗劍湖。



我是東南西北人，長空一片孤雲身，初聞鶴唳投僧舍，纔到梅峯便小春。（註一）  
平生慣受友人憐，荷葉作衣未果然，一自舊袍歸劫火，隨人長短結良緣。  
渡口漁翁方佈網，岸頭野老正燒山，尋常一樣人間事，身處亂離便覺閒。  
流離路上易傷神，見色聞聲總不真，三月暮春啼乳子，吉凶何與世間人。  
王老餘財滿路挑，今朝劫掠在山腰，早知到處不安靜，大好隨他伴屋燒。（註二）  
翠聳雲層山合抱，煙籠林壑水多灣，好將世亂時窮日，消納富山貴水間。  
從無長物堪淪陷，薄有虛名難掃除，逃到時人不識處，立錫無地正堪居。

乙酉春望劫後梅城二首

梅城焦土接荒郊，春色依然上柳梢，癡心欲報舊時燕，無復南來覓故巢。  
烽煙鎖遠圖，寂寞故園蕪，翹首東郊望，春歸有意無。

註一：梅峯在攸北文明善，以十月到，故云。

註二：全城房屋皆被炸盡。